



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLXIX. Extensio Indulti circa subsidia Dotalia puellis Conservatorii delle
Zocollette nuuncupat. distribui solitis.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

In Capitulis Provincialibus Provincie Romanæ jus suffragii, qui habeant.

Provincialibus ejusdem Romanæ Provincie. Et resolutum fuit, firma remanente dispositione Constitutionum quoad Magistros externos, aliosque, qui in Provinciis a Romana distinctis degentes Jure suffragii gaudent in hujusmodi Capitulis Provincialibus; esse tamen easdem Constitutiones reformandas quo ad Provinciam Romanam; scilicet, quod in ejus Capitulis Provincialibus Jure suffragii frui possint dumtaxat Prior Generalis una cum ejus Secretario, sive socio ab eo nominando, & Procurator Generalis, Magistri Provincie Romanæ quamvis in supradictis tribus Conventibus commorentur, nec non Priores eorumdem Conventuum, & Lector Sapientie, ac Regens Transpontinæ, ita tamen, ut hi quinque postremi vocales teneantur solvere taxam consuetam pro Capitulo Provinciali, votum autem in Diffinitorio Provinciali non habent nisi solum P. Generalis cum socio, & Procurator Generalis.

§. 4. Tertio an Sociis Generalibus competat Jus suffragii in Capitulo generali tantum, seu potius etiam in Diffinitorio generali.

Et resolutum fuit competere tam in Capitulo, quam in Diffinitorio generali.

§. 5. Quarto an iisdem Sociis Generalibus competat etiam præminentia in Religione.

Et resolutum fuit non competere, nisi quando sunt in actuali exercitio muneris, sive scilicet in actu visitationis, sive in Capitulo, & Diffinitorio generali, sive in quibuscumque aliis peragendis occasione muneris ipsis demandati in Breve fel. rec. Benedicti PP. XIII. Extra tamen hos casus præminentiam in Religione ipsis competere juxta antianitatem professionis, & gradus, atque ita, & non aliter statui debere in nova compilatione Constitutionum. Modernis autem Sociis, attenta possessione, esse ex gratia concedendam præminentiam in Religione usque ad exitum Officii: Pro quorum omnium confirmatione esse supplicandum Sanctissimo. Et facta per Eminentissimum, & Reverendissimum Dominum Cardinalem Spinelli de prædictis relatione SS. in Audientia habita die 25. Aprilis 1735. Sanctissimus omnia benigne approbavit; nec juxta eorum tenorem novas Constitutiones reformari mandavit: Audito etiam, quod Ex-Socii Generales licet Romæ degant, & sint Conventuales, vel in Conventu S. Martini, vel S. Mariæ in Transpontina, adhuc tamen Jure suffragii non gaudeant in electione Vicarii Generalis mortuo, amoto, vel promoti Patre Generali: V. Cardinalis Petra: F. V. L. Cardinalis Gotti Ordinis Prædicatorum: F. J. A. Cardinalis Guadagni: J. Cardinalis Spinellus: N. Cardinalis Judice: Ita reperitur in registro autographo Decretorum Sacre Congregationis Episcoporum & Regularium, quod asseratur in Secretaria ejusdem. In fidem &c. hac die 2. Junii millesimo septingentesimo trigesimo quinto: Joseph Maria Archiepiscopus Damas Prosec.

§. 6. Cum autem sicut dilectus filius modernus Procurator Generalis ejusdem Ordinis Nobis subinde exponi fecit, ipse Decretum hujusmodi quo firmius subsistat, & servetur exactius, Apostolicæ confirmationis nostræ patrocinio communitari plurimum desideret.

§. 7. Nos specialem ipsi Procuratori Generali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum, & omnia, & singula in eo contenta, & expressa auctoritate Apostolica te-

nore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intervenierint supplemus.

§. 8. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab ois respectively inviolabiliter observari; Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & diffiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 9. Non obstantibus præmissis ac Constitutionibus, & Ordinationibus Apostolicis, ac quatenus opus sit dicti Ordinis, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

§. 10. Volumus autem, ut earumdem præsentium literarum transumptis, seu exemplis, & impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubicumque locorum tam in Judicio, quam extra adhibeatur quæ præsentibus adhiberetur, si forent exhibitæ, vel ostensa.

Datum Romæ apud S. Mariam Majorem sub annulo Piscatoris die nona Decembris 1735. Pont. nostri Anno VI.

F. Card. Oliverius.

Extensio Indulti circa subsidia Dotalia puellis Conservatorii delle Zoccollette nuncupat. distribui solitis.

Forumdem firmitas.

Contrarium derogatio.

Transumptorum fides.

Dat. die 9. Dec. 1735. An. VI.

CLXIX.

CLEMENS PP. XII.

Ad perpetuam rei memoriam.

§. 1. **C**um sicut accepimus jam inde a tempore Pontificatus fel. rec. Clementis PP. XI. Prædecessoris Nostri, puellis Conservatorii SS. Clementis, & Crescentini vulgariter delle Zoccollette in Regione Regulæ nuncupat. de Urbe, annua septem subsidia dotalia una cum Vestibus dari solitis assignata fuerint, quatuor scilicet ex Carcarafis etiam nuncupatis per Capitulum, & Canonicos Basilicæ S. Petri, & reliqua tria ex aliis subsidiis dotalibus per Archiconfraternitatem Annunciationis Beatæ Mariæ Virginis in Ecclesia ejusdem Sanctæ Mariæ super Minervam de Urbe præfata, erectam, quotannis distribui solitis, dictaque puellæ ad subsidia hujusmodi a Nostro, & pro tempore existentis Romani Pontificis Elemosynario secreto, qui ejusdem Conservatorii Superior, seu Prælatus existit, itidem pro tempore una cum Deputatis nominatæ, processibus, aliisque publicis functionibus, occasione distributionis ejusmodi subsidiorum fieri consuetis, non sine earum incommodo ante hac interesse debuerint: septem vero dumtaxat subsidia præfata haud satis esse dignoscantur præ ingenti numero puellarum pro tempore pariter degentium in

Septem Dotalia subsidia his puellis dantur quotannis.

Petita horum Decretorum Apostolica confirmatio.

Conceditur.

Modus illo-
rum distri-
buendorum.

dicto Conservatorio, quod cum institutum fuerit pro puellis periclitantibus, quarum pudicitiae nemo esset, qui curam haberet, ac perpaucæ admodum nubant, aditus, seu ingressus in idem Conservatorium aliis puellis similiter periclitantibus præcludatur.

§. 2. Nos pium institutum hujusmodi, quantum cum Domino possumus, adjuvare, puellæque præfatas, quo facilius statui suo consulere valeant specialibus favoribus, & gratis profecti volentes, ac illarum singulares personas a quibusvis excommunicationis, suspensionis & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequentem, harum serie absolventes, & absolutas fore censentes, necnon quarumdam rec. mem. Innocentii PP. XII. Prædecessoris quoque Nostri, favore puellarum alterius Conservatorii sub titulo Divinæ Providentiæ de eadem Urbe in simili forma Brevis die 6. Martii 1694. expeditarum Literarum, ac testamentorum, & aliarum dispositionum quorumcumque Testatorum, & Piorum Largitorum tenores, & alia quæcumque etiam specificam, & individuum mentionem, & expressionem requirentia, præsentibus pro plene, & sufficienter expressis, & insertis habentes, auctoritate Apostolica, tenore præsentium statuimus, & ordinamus, quod deinceps perpetuis futuris temporibus in destinatione, & assignatione septem subsidiarum dotalium puellis supradicti Conservatorii SS. Clementis, & Crescentini pro tempore faciendæ, modus, & forma in dictis literis Innocentii Prædecessoris pro distributione ejusmodi subsidiarum puellis memorati Conservatorii, sub titulo Divinæ Providentiæ, præscripti, in omnibus, & per omnia serventur, itaut puellæ primodicti Conservatorii ad aliquod ex eisdem septem subsidiis dotalibus per dictum Elemosynarium secretum, & Deputatos pro tempore nominatæ, nullatenus a præfatis Capitulo, & Canonicis, dictæque Archiconfraternitatis Officialibus, & Ministris de cetero visitentur, nec processionebus, aliisque publicis functionibus præfatis interesse teneantur, sed intra ipsum Conservatorium; Sanctissimum Eucharistiæ Sacramentum sumere, aliaque pia Opera, sive a dictorum Capituli, & Archiconfraternitatis statutis, sive a quorumvis Testatorum, & Piorum Largitorum, qui eadem subsidia præfati mandarunt, dispositionibus injuncta adimplere possint, & debeant, puellæque sic nominatæ ex justa, & rationabili causa per eundem Elemosynarium secretum mutari, seu variari valeant, ac subsidia illa, quæ ob mutationem, seu variationem ejusmodi, vel puellarum quibus destinata fuerant, obitum ante matrimonium, vel monachatum secutum, sive obcessionem, seu renunciationem ab eis factam, eo quod e prædicto Conservatorio discedere noluerint, aut alias effectum suum sortita non fuerint, aliis puellis ejusdem Conservatorii per ipsos Elemosynarium secretum, & Deputatos pariformiter nominandis assignentur, nec ista in eorum numero, quæ eisdem puellis quotannis assignari debent, ut præfertur, computari, sed alia subsidia, novæque Cedulæ eorum promissoriæ a supradictis Capitulo, & Canonicis, dictæque Archiconfraternitatis Officialibus, & Ministris ad favorem aliarum puellarum ejusdem Conservatorii per eosdem Elemosynarium secretum & Deputatos, sicut præmittitur, subrogandarum, seu nominandarum, ipsique Elemosynario modo, & forma prædictis consignari debeant.

Idem modus
in aliis quo-
que Dotali-
bus subsidiis
servandus.

§. 3. Porro præmissa omnia, & singula locum quoque habere, ac observari volumus, & mandamus quoad quæcumque alia subsidia dotalia, quæ puellæ primodicti Conservatorii a Capitulo, & Canonicis ac Archiconfraternitate præfatis

ultra præfixum numerum septenarium hujusmodi, vel a quibusvis aliis Archiconfraternitatibus, Confraternitatibus, Societatibus, Communitatibus, Ecclesiis, Collegiis, Oratoriis, Hospitalibus, Capitulis, Locis piis, ac etiam privatis personis quomodolibet jam obtinuerunt, seu quodcumque obtinuerint. Præterea puellis ejusdem Conservatorii SS. Clementis, & Crescentini, utpote in Regione Regulæ, ut præfertur, positi, quod ad subsidia dotalia puellis dictæ Regionis a Testatoribus, piisque Largitoribus destinata, seu relicta, ab iis, ad quos eorum distributio pertinet; una cum aliis puellis ejusdem Regionis admitti, & imbutulari debeant, illaque consequi, & obtinere libere, & licite possint, & valeant, perinde ac si in dicta Regione natæ, ceterisque qualitatibus ad illa consequenda requisitis, quas sola permagentia in dicto Conservatorio supplere itidem statuimus, prædictæ forent, auctoritate, & tenore præfatis concedimus, & indulgemus.

§. 4. Decernentes, easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac puellis dicti Conservatorii SS. Clementis, & Crescentini in omnibus, & per omnia plenissime suffragari, & ab illis, ad quos spectat, & pro tempore quodcumque spectabit, inviolabiliter observari, sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiti debere, ac irritum & inane, si secus super his a quoquam, quavis auctoritate, scienter, vel ignoranter contrigerit attentari.

§. 5. Non obstantibus quorumcumque Testatorum, ac Piorum Largitorum præfatorum etiam ultimis voluntatibus, & dispositionibus, quas propter præmissa, sufficienter, & expresse commutamus, ac quibusdam ejusdem Clementis Prædecessoris in pari forma Brevis literis facultatem eligendi, ac visitandi puellas præfatas ratione quatuor subsidiarum Carcarasorum nuncupat. ipsis Capitulo, & Canonicis attribuentibus, aliisque Constitutionibus, & Ordinationibus Apostolicis, nec non quibusvis etiam juramento, confirmatione Apostolica, vel quavis alia firmitate roboratis, statutis, usibus, & consuetudinibus, privilegiis, quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis illorum tenores præsentibus pro plene & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum, hac vice dumtaxat, specialiter & expresse derogamus, ceterisque contrariis quibuscumque.

§. 6. Volumus autem, ut ipsarum præsentium Literarum transumptis, seu exemplis etiam impressis, & manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ. Ceterum non intendimus per easdem præfatas literas supradictum Conservatorium in aliquo approbare.

Datum Romæ apud Sanctam Mariam Majori sub annulo Piscatoris die XX. Decembris MDCCXXXV., Pontificatus nostri Anno VI.

F. Card. Oliverius.

Præfatis sta-
tuti firmitas.

Obstantium
derogatio.

Fides tran-
sumptorum.

Dat. die 20.
Decem. 1735.
An. VI.